

Z A P I S N I K

**sa 31. sjednice Gradskog vijeća održane 28.03.2019. godine, s početkom u 09:00 sati u
Gradskoj vijećnici Grada Bihaća**

Predsjedavajući otvara današnju sjednicu Gradskog vijeća i konstatira da sjednici prisustvuje 29 vijećnika. Sjednici nije prisutan Nedin Dedić koji je svoje odsustvo opravdao.

Predsjedavajući daje na razmatranje i usvajanje Zapisnik sa 30. sjednice Gradskog vijeća.

Zapisnik sa 30.sjednice Gradskog vijeća **usvojen je jednoglasno.**

Za današnju sjednicu predložen je sljedeći:

D n e v n i r e d

1. Prijedlog Odluke o utvrđivanju prosječne konačne građevinske cijene 1 m² korisne stambene površine na području Grada Bihaća u 2018. godini

2. Prijedlog Odluke o prodaji zemljišta neposrednom pogodbom Dedić (Zaim) Samiru iz Bihaća radi oblikovanja građevinske parcele

3. a) Prijedlog Odluke o utvrđivanju javnog interesa za potpunu eksproprijaciju nekretnina u svrhu realizacije Projekta za „Izgradnju trake za spora vozila na cesti M-5 Bihać –Bosanski Petrovac - Ključ, LOT 1, dionica Ripač – Vrtoče (M 5- 003 Ripač – Vrtoče 2) poddionica Ripač - Dubovsko

b) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Ceravci I“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

c) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Borići“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

d) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije kablovskog dalekovoda 10(20)kV TS 35/10(20) kV „Žitoprerada“- prvi željezno rešetkasti stubTS 10(20) dalekovod „Vinica-Čekrlije“ grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

e) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije i izgradnje dijela podzemnog 10(20)kV kablovskog dalekovoda TS 35/10 kV „ Bihać“- TS 10(20)/04kV „Ozimice 2“ grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać

f) Prijedlog Odluke o utvrđivanju javnog interesa za nepotpunu eksproprijaciju nekretnina u svrhu izgradnje kablovskog dalekovoda 10(20)kV TS „Aleja“ - TS „Borići“

grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

4. Prijedlog Odluke o izmjenama i dopuni Odluke o regulaciji saobraćaja na području grada Bihaća

5. Prijedlog Odluke o odabiru najpovoljnije ponude za zakup poljoprivrednog zemljišta u vlasništvu države na području grada Bihaća

6. Prijedlog Odluke o davanju saglasnosti na prenos ugovora o koncesiji za istraživanje i eksploataciju dolomita na ležištu „Podići- Međudražje“ sa privatnog društva „HORIZONT“ d.o.o Bihać na privredno društvo „HC-ING“ d.o.o. Bihać

7. Prijedlog Odluke o usvajanju Plana implementacije Strategije razvoja Općine Bihać 2014 – 2023. za period 2019. – 2021.godina, i jednogodišnji Plan implementacije za 2019.godinu

8 a) Prijedlog Zaključka o davanju saglasnosti na cijene povjerenih komunalnih usluga zajedničke komunalne potrošnje za 2019.godinu

b) Prijedlog Zaključka o davanju saglasnosti na tarifni sistem i cijene individualne komunalne potrošnje, snabdijevanja vodom za piće, odvodnje i prečišćavanja otpadnih voda

9. Prijedlog Rješenja o utvrđivanju liste promjenljivih članova Komisije za koncesije USK-a za projekat javno-privatnog partnerstva na području Grada Bihaća

10. Prijedlog Rješenja o prestanku članstva predsjedniku predstavnika Osnivača sa ovlaštenjima Skupštine JP „Veterinarska stanica“ d.o.o. Bihać i imenovanju predsjednika predstavnika Osnivača sa ovlaštenjima Skupštine JP „Veterinarska stanica“ d.o.o. Bihać

11.a) Prijedlog Rješenja o izboru zamjenika predsjedavajućeg Gradskog vijeća

b) Prijedlog Rješenja o imenovanju članova Statutarne komisije

c) Prijedlog Rješenja o razrješenju i imenovanju člana Komisije za ljudska prava i ravnopravnost spolova

d) Prijedlog Rješenja o razrješenju i imenovanju člana Komisije za žalbe

12.a) Prijedlog Rješenja o prestanku mandata predsjedniku MZ Veliki Lug, o imenovanju predsjednika MZ Veliki Lug i o imenovanju člana Savjeta MZ Veliki Lug

b) Prijedlog Rješenja o prestanku mandata predsjedniku MZ Vrsta, o imenovanju predsjednika MZ Vrsta, o prestanku mandata članovima Savjeta MZ Vrsta i o imenovanju člana Savjeta MZ Vrsta

c) Prijedlog Rješenja o prestanku mandata članu savjeta MZ Centar i o imenovanju člana Savjeta MZ Centar

Predsjedavajući otvara raspravu po predloženom Dnevnom redu.

Gradonačelnik Šuhret Fazlić

U svojstvu predlagача sa današnjeg Dnevnog reda povlači tačku 3. b) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Ceravci I“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać i tačku 8.b.

Prijedlog Zaključka o davanju saglasnosti na tarifni sistem i cijene individualne komunalne potrošnje, snabdijevanja vodom za piće, odvodnje i prečišćavanja otpadnih voda.

Predlaže da se u Dnevni red za današnju sjednicu uvrsti: Prijedlog Zaključaka o davanju saglasnosti JP Elektroprivreda BiH d.d. Sarajevo. Podružnica „Elektrodistribucija“ Bihać, za izgradnju transformatorske stanice TS 10(20)/0,4kV „Borići“ na nekretnini u vlasništvu Grada Bihaća, označene kao k.č.br. 7999/4, k.o. Bihać Grad po novom kat.operatu, površine 58 m², odnosno k.č.br. 1243/379 k.o. SP Bihać po starom kat.operatu u površini od 58 m²

Vijećnik Nijaz Malkoč

Predlaže da se današnji Dnevni red dopuni sa prijedlozima Rješenja o imenovanju predsjednika Mjesne zajednice Ozimice I i predsjednika Mjesne zajednice Jezero – Privilica.

Vijećnik Sej Ramić

Predlaže da se sa Dnevnog reda povuče tačka 3. c) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Borići“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać, obzirom da Gradsko vijeće nije dalo saglasnost za izvođenje radova na Đačkom domu „Borići“, smatra da se radi o nezakonitoj odluci.

Predsjedavajući predložene izmjene i dopune dnevnog reda daje na usvajanje:

- Prijedlog da se sa Dnevnog reda povuče tačka 3.b) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Ceravci I“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać i

- tačka 8.b. Prijedlog Zaključka o davanju saglasnosti na tarifni sistem i cijene individualne komunalne potrošnje, snabdijevanja vodom za piće, odvodnje i prečišćavanja otpadnih voda i

- da se u Dnevni red današnje sjednice uvrsti Prijedlog Zaključaka o davanju saglasnosti JP Elektroprivreda BiH d.d. Sarajevo. Podružnica „Elektrodistribucija“ Bihać, za izgradnju transformatorske stanice TS 10(20)/0,4kV „Borići“ na nekretnini u vlasništvu Grada Bihaća, označene kao k.č.br. 7999/4, k.o. Bihać Grad po novom kat.operatu, površine 58 m², odnosno k.č.br. 1243/379 k.o. SP Bihać po starom kat.operatu u površini od 58 m²

Izmjene i dopune dnevnog reda usvojene su 26 glasova za, 1 protiv.

Klub SDA traži pauzu radi usaglašavanja stavova po predloženom Dnevnom redu.

Nakon pauze, predsjednica Kluba SDA, Amra Čehajić iznosi stav Kluba SDA, da će biti suzdržani kod glasanja o Dnevnom redu.

Predloženi dnevni red sa prihvaćenim izmjenama i dopunama usvojen je sa 16 glasova za, 1 protiv i 8 suzdržanih.

Nakon usvajanja, predsjedavajući je prezentirao Dnevni red današnje sjednice Gradskog vijeća po kojem će se voditi rasprave i donositi odluke :

Dnevni red

1. Prijedlog Odluke o utvrđivanju prosječne konačne građevinske cijene 1 m² korisne stambene površine na području Grada Bihaća u 2018. godini

2. Prijedlog Odluke o prodaji zemljišta neposrednom pogodbom Dedić (Zaim) Samiru iz Bihaća radi oblikovanja građevinske parcele

3. a) Prijedlog Odluke o utvrđivanju javnog interesa za potpunu eksproprijaciju nekretnina u svrhu realizacije Projekta za „Izgradnju trake za spora vozila na cesti M-5 Bihać –Bosanski Petrovac - Ključ, LOT 1, dionica Ripač – Vrtoče (M 5- 003 Ripač – Vrtoče
2) poddionica Ripač - Dubovsko

b) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Ceravci I“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

c) Prijedlog Odluke o utvrđivanju javnog interesa za potpunu eksproprijaciju nekretnina u svrhu izgradnje, transformatorske stanice 10(20) 0,4 kV „Borići“ Grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

d) Prijedlog Odluke o utvrđivanju javnog interesa za potpunu eksproprijaciju nekretnina u svrhu legalizacije i izgradnje kanalizacione mreže u korist JU „Zavod za prostorno uređenje

e) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije kablovskog dalekovoda 10(20)kV TS 35/10(20) kV „Žitoprerada“- prvi željezno rešetkasti stub TS 10(20) dalekovod „Vinica-Čekrlije“ grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

f) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije i izgradnje dijela podzemnog 10(20)kV kablovskog dalekovoda TS 35/10 kV „ Bihać“- TS 10(20)/04kV „Ozimice 2“ grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać

g) Prijedlog Odluke o utvrđivanju javnog interesa za nepotpunu eksproprijaciju nekretnina u svrhu izgradnje kablovskog dalekovoda 10(20)kV TS „Aleja“ - TS „Borići“ grad Bihać u korist JP Elektroprivreda BiH d.d. Sarajevo. Podružnica „Elektrodistribucija“ Bihać

4. Prijedlog Odluke o izmjenama i dopuni Odluke o regulaciji saobraćaja na području grada Bihaća

5. Prijedlog Odluke o odabiru najpovoljnije ponude za zakup poljoprivrednog zemljišta u vlasništvu države na području grada Bihaća
6. Prijedlog Odluke o davanju saglasnosti na prenos ugovora o koncesiji za istraživanje i eksploataciju dolomita na ležištu „Podići- Međudražje“ sa privatnog društva „HORIZONT“ d.o.o Bihać na privredno društvo „HC-ING“ d.o.o. Bihać
7. Prijedlog Odluke o usvajanju Plana implementacije Strategije razvoja Općine Bihać 2014 – 2023. za period 2019. – 2021.godina, i jednogodišnji Plan implementacije za 2019.godinu
8. Prijedlog Zaključka o davanju saglasnosti na cijene povjerenih komunalnih usluga zajedničke komunalne potrošnje za 2019.godinu
9. Prijedlog Rješenja o utvrđivanju liste promjenljivih članova Komisije za koncesije USK-a za projekat javno-privatnog partnerstva na području Grada Bihaća
10. Prijedlog Rješenja o prestanku članstva predsjedniku predstavnika Osnivača sa ovlaštenjima Skupštine JP „Veterinarska stanica“ d.o.o. Bihać i imenovanju predsjednika predstavnika Osnivača sa ovlaštenjima Skupštine JP „Veterinarska stanica“ d.o.o. Bihać
- 11.a) Prijedlog Rješenja o izboru zamjenika predsjedavajućeg Gradskog vijeća
- b) Prijedlog Rješenja o imenovanju članova Statutarne komisije
- c) Prijedlog Rješenja o razrješenju i imenovanju člana Komisije za ljudska prava i ravnopravnost spolova
- d) Prijedlog Rješenja o razrješenju i imenovanju člana Komisije za žalbe
- 12.a) Prijedlog Rješenja o prestanku mandata predsjedniku MZ Veliki Lug, o imenovanju predsjednika MZ Veliki Lug i o imenovanju člana Savjeta MZ Veliki Lug
- b) Prijedlog Rješenja o prestanku mandata predsjedniku MZ Vrsta, o imenovanju predsjednika MZ Vrsta, o prestanku mandata članovima Savjeta MZ Vrsta i o imenovanju članova Savjeta MZ Vrsta
- c) Prijedlog Rješenja o prestanku mandata članu savjeta MZ Centar i o imenovanju člana Savjeta MZ Centar
13. Prijedlog Zaključaka o davanju saglasnosti JP Elektroprivreda BiH d.d. Sarajevo. Podružnica „Elektrodistribucija“ Bihać, za izgradnju transformatorske stanice TS 10(20)/0,4kV „Borići“ na nekretnini u vlasništvu Grada Bihaća, označene kao k.č.br. 7999/4, k.o. Bihać Grad po novom kat.operatu, površine 58 m², odnosno k.č.br. 1243/379 k.o. SP Bihać po starom kat.operatu u površini od 58 m².

Aktuelni sat

Gradonačelnik Grada Bihaća Šuhret Fazlić

Na početku izlaganja insistirao je da se održi vanredna sjednica na temu: Humanitarno sigurnosna situacija na području grada Bihaća vezana za migrantsku krizu.

U daljnjoj diskusiji je iznio sljedeće stavove:

„Stiče se dojam da sam ja najodgovornija osoba za migrantsku krizu, međutim i Gradsko vijeće je odgovorno koliko i Gradonačelnik.

Predlažem da Gradsko vijeće na vanrednoj sjednici zauzme jedinstven stav kako bi se spriječio dolazak migranata u Bihać, te kakvo god rješenje donese Gradsko vijeće, Gradonačelnik Šuhret Fazlić, će ga ispoštovati.

Mi mjesecima upozoravamo više nivoe vlasti i javnost da smo na izmaku snaga i da migrante ne možemo držati pod kontrolom bez pomoći države, iako lokalne vlasti uz pomoć međunarodnih organizacija čine sve kako bi osigurale humane uslove za život migranata na području USK-a. Briga o migrantskoj krizi treba da bude obaveza državnih institucija koje su sve probleme prepustili lokalnoj zajednici.

Isrcpili smo sve resurse, a migrantska kriza je utjecala na ekonomsku, a posebno bezbjedonosnu situaciju u gradu Bihaću i na USK-a. Ponovo ističem, da migrantska kriza se treba riješiti na nivou države BiH, s toga pozivam najviše državne institucije da realizuju obavezu koju su preuzeli, odnosno da se što prije održi posebna zajednička sjednica oba doma Parlamentarne skupštine BiH i Vijeća ministara BiH na ovu temu, na kojoj će se sva otvorena pitanja ovog globalnog izazova raspraviti na način da se javnosti daju odgovori i ponude rješenja.

Alarmantno stanje migrantske krize je kulminiralo. Nisam zadovoljan radom Operativne grupe jer ispada da je gradonačelnik servis IOM-a. Slušao sam intervju za radio BIK i konstatacija da su migranti turisti sa kruzera i da su oni INDUSTRIJA, je neprihvatljiva. U isto vrijeme se ne govori o 1.000 krivičnih djela, od kojih je samo 15 procesuirano.“

Vijećnik Sej Ramić

„Silovanja, pljačke, provale su svakodnevnice. Frizira se broj migranata. Govorite da je 3.000 migranata na USK-u, a mi znamo da ih je u Bihaću najmanje 6.000. Amnesty International govori o 5.500 migranata. Dnevno ih dolazi 100 i ne čini se ništa da se invazija zaustavi. IOM zna broj migranata, ali to skriva, jer je davno pređena kritična masa. Umjesto da sjednete i plaćete predlažem da lupite šakom od sto!

Ne mogu prihvatiti da su građani KSENOFOBI, a jedan od njih i ja. Potpuno ste se udaljili od građana, a radite za interese IOM-a. Šta je sa zdravstvenim stanjem? Zašto se ispraznila BIRA? Šuti se o tome! Šta u slučaju epidemije na ljeto? Migranti se moraju izmjestiti, pod hitno i ograničiti njihovo kretanje. Zašto se naručilo 115 kontejnera?

Šta ćemo sa INVAZIJOM?“

Vijećnik Hasan Kškić

Upoznao je vijećnike da je 23.03.2019.godine bila organizovana akcija čišćenja grada Bihaća u kojoj je aktivno učestvovalo pedeset migranata. Predlaže da se češće organiziraju ovakve aktivnosti.

Vijećnica Amra Čehajić

„Prvi put u eteru Radio Bihać se oglasio 28.03.1966.godine, tačno u podne.

Od tada do danas prošlo je 53 godine. Uposlenici Radio Bihać-a sav taj period svojom stručnošću i predanim radom uređivali su razne emisije, programske sadržaje, reportaže i sl. Na taj način pružali su građanima Bihaća, pravovremene i sadržajne informacije. Posebno je značajan rad Radio Bihać u ratnim danima (1992-1995), kada su ovi uposlenici svojom hrabrošću i bez obzira na opasnosti kojima su se izlagali, redovno izvještavali građane Bihaća.

Upravo zbog toga i svega što Radio Bihać znači svojim građanima, u ime kluba SDA u Gradskom vijeću Grada Bihaća te u svoje lično ime, svim uposlenicima Radio Bihać čestitam 53- godišnjicu, uz želju da iste prati zdravlje, mnogo uspjeha u narednim godinama.“

Inicijative

Vijećnik Nijaz Malkoč

“ Sasvim je sigurno da teret migrantske krize u BiH najviše podnosi Unsko-sanski kanton, a posebno Grad Bihać i Općina Velika Kladuša. Prema zvaničnim podacima na prostoru USK se trenutno nalazi 3200 migranata. Cijenim da taj broj nije konačan jer se sve više migranata nalazi i u Općinama Bužim i Bosanska Krupa te Gradu Cazinu. Brigu o njima vodi međunarodna organizacija IOM koja dobiva značajna finansijska sredstva od različitih donatora, a posebno od Evropske Unije. Tih sredstava će biti i više jer je očito da Evropsku Uniju ne zanimaju migranti niti će im dozvoliti dolazak u evropske zemlje. Oni će učiniti sve, dati ogroman novac samo da ih ne vide na svojoj teritoriji.

Čini mi se da mi razmišljamo drugačije i da molimo da ostanu što duže, jer će Grad Bihać dobiti određena finansijska sredstva i kao da je to dovoljno za naše građane. Mislim da dugoročno griješimo i da nas IOM nije mogao dobiti finansijskim sredstvima od kojih Grad finansira izgradnju javne rasvjete, stadion Jedinstva i još poneku sitnicu.

Upravo zbog toga i podnosim navedenu inicijativu i tražim da se na narednoj sjednici Vijeća pojave i predstavnici IOM ili pak da se organizira zajednički sastanak predstavnika Vijeća i IOM, kako bi se razgovaralo o budućnosti migranata na našem području, ali i insistiralo da sve ono što se nabavlja za migrante na području USK poput hrane, pića, lijekova, sanitetskog materijala, odjeće, obuće, goriva, ogrjeva itd. nabavlja na području USK-a kako bi i naši privrednici i privreda imali određene koristi.

Svakako to podrazumijeva i da sve građevinske i zanatske poslove obavljaju naši privrednici, a ne da nam dolaze dobavljači i izvođači radova iz drugih krajeva BiH.

Molim da navedenu Inicijativu hitno prosljedite i u IOM te da na narednoj sjednici Vijeća dobijemo konkretne odgovore na pitanja postavljena kroz Inicijativu.

Vijećnik Adis Šušnjar

1. “U skladu sa članom 93. stav 3. Poslovnika Gradskog vijeća upućuje inicijativu Gradonačelniku Grada Bihaća i nadležnim službama organa uprave Grada Bihaća, da se u MZ Bakšaiš (u ulici Bakšaiškog odreda), pa do mosta u naselju Vrkašić, izvrši čišćenje abrazivnog materijala kojim su zimske službe posipale ceste.

U zimskom periodu su se ceste intenzivno posipale abrazivnim materijalom, kao što su so i pijesak. Pomenuti abrazivni materijali su ostali na cestama i ne samo da onečišćuju zrak i okoliš već ugrožavaju i sigurnost saobraćaja.

Čišćenjem pomenutog abrazivnog materijala bi se poboljšao kvalitet zraka i okoliša u pomenutoj MZ, te ovim putem molim nadležne službe da se očisti ulica Bakšaiškog odreda. Također, napominjem da ovakvo čišćenje iziskuje minimalna novčana sredstva.”

2. “U skladu sa članom 93. stav 3. Poslovnika Gradskog vijeća upućuje Inicijativu Gradonačelniku Grada Bihaća da se u MZ Orašac jedan radni dan u sedmici aktivira Matični ured, jer se radi o jednoj od najudaljenijih MZ na području Grada Bihaća.

Važno je imati na umu činjenicu da u pomenutoj MZ živi i radi nekoliko stotina porodica i da svakodnevno postoji potreba za Matičnim uredom u toj MZ! Mještani ove MZ su prinuđeni odlaziti u Kulen Vakuf kako bi obavili određene poslove vezane za matične knjige i sl. U Kulen Vakufu Matični ured radi samo jedan dan u sedmici, pa je i to jedna od otežavajućih okolnosti mještanima MZ Orašac.

Kako bi se aktivirao Matični ured u MZ Orašac postoje potrebni tehnički uslovi za isti u novosagrađenom domu mjesne zajednice. Ovim putem molim Gradonačelnika da se realizira ova inicijativa jer je za rad Matičnog ureda dovoljan i jedan dan u sedmici kako bi se zadovoljile potrebe mješтана ove MZ.”

Vijećnik Hilmo Kozlica

“Na osnovu Poslovnika o radu Gradskog vijeća Bihać, Gradonačelniku Bihaća podnosi Inicijativu za hitno poduzimanje svih potrebnih mjera i aktivnosti na svim nivoima vlasti u FBiH i BiH s ciljem revitalizacije Unske pruge i stavljanjem u funkciju ovog najvažnijeg željezničkog pravca, te ponovne uspostave teretnog i putničkog saobraćaja i pokretanje aktivnosti da se ova pruga uvrsti na kartu evropskih željezničkih koridora.

Obrazloženje

Unsko-sanski kanton zaslužuje bolji i pravedniji odnos kada je u pitanju pokretanje privrednog i ekonomskog razvoja, jer svojim geografskim položajem najbliži smo zapadu i Jadranskom moru i shodno tome imamo odličan privredni potencijal i brojne komparativne prednosti.

Unsko-sanski kanton nema šanse da se poveže sa drugim dijelovima Bosne i Hercegovine, ali ni sa Hrvatskom koja je članica EU kvalitetnim autoputevima kakvi se grade po Federaciji BiH.

Imati željezničku infrastrukturu čija se vrijednost procjenjuje na preko 5 milijardi KM koja stoji neiskorištena, jedinstven je primjer nebrige, naročito kada znamo da ova pruga predstavlja jedinu pravu šansu za privredni razvoj Bihaća i cijelog Unsko-sanskog kantona, dolazak stranog kapitala čiji bi rezultat u konačnici bio otvaranje velikog broja novih radnih mjesta. Unskom prugom se prije rata prevozilo milion i po putnika i 4 miliona tona robe, a ona i danas ima značajnu perspektivu i može postati pokretač ekonomskog razvoja našeg kraja.

Opće je poznato da bez razvoja željeznice i revitalizacije Unske pruge, nema razvoja privrede s obzirom da je to najkraći put i najjeftiniji vid transporta od sjevera do juga Hrvatske, preko Unsko-sanskog kantona i te dalje prema Europi i balkanskim zemljama, koji povezuje srednjodalmatinske luke sa lukama unutarne plovidbe kao što je Vukovar i dalje sa drugim mrežama riječnih puteva kroz EU- koridor sjeverno more-Rajna-Dunav i sve do luka Crnog mora.

Na ovaj način bi se zadovoljili evropski standardi od 85% teretnog prevoza željeznicom i 15% prevoza cestama, a sada u BiH imamo obrnutu situaciju, dok je na USK taj odnos još i nepovoljniji, uz sve negativne implikacije cestovnog transporta, od uništavanja puteva pa do ogromnih troškova prijevoza što značajno smanjuje konkurentnost domaće privrede.

Važno je napomenuti da su tokom proteklog rata na pruzi srušena tri mosta, koja su obnovile jedinice SFOR-a, a obnovu je platila Europska unija. Kompletna pruga je razminirana 15 metara od kolosijeka sa svake strane, te su sanirana različita oštećenja.

Također, ugrađene su signalne oznake. Već 1998.godine pruga je osposobljena za vožnju SFOR-ovih vlakova za osovinske pritiske od 22.5 tone. Nesumnjiva je podrška privrednika iz Hrvatske koji daju podršku ponovnom oživljavanju Unske pruge, u prvom redu za teretni saobraćaj koji je od vitalnog značaja za poslovanje luka Zadar, Split i Šibenik i kompanija koje koriste lučke i usluge željeznica, jer razvoj srednjodalmatinskih luka je generalno u funkciji razvoja i stabilnosti u regiji i unapređenju međugranične saradnje RH i BiH.

Imajući u vidu sve navedeno, smatram opravdanim i neophodnim da u interesu građana i privrede Bihaća i Unsko-sanskog kantona, FBiH i države BiH, grad Bihać u saradnji sa drugim državnim institucijama svih nivoa preduzme hitne mjere i aktivnosti s ciljem revitalizacije Unske pruge i stavljanja u funkciju ovog vrlo vrijednog i značajnog željezničkog pravca.”

Vijećnik Hasan Keškić

“U ime većeg broja građana MZ Gata Ilidža upućujem inicijativu Zavodu za prostorno uređenje grada Bihaća.

Da se pristupi izradi i postavljanju putokaza i smjerova koji bi iz smjera graničnog prijelaza Izačić olakšali dolazak turistima koji imaju namjeru posjetiti i naše mjesto i dalo informaciju o smjeru koji vodi ka Gati Ilidži.

Na putokazima bi moralo biti originalno ime Gata Ilidža, a koje smo imali oduvijek i koje je planski uklonjeno iz naziva našeg mjesta u cilju obezvređivanja istog. Naše mjesto je još 70-tih godina imalo razgledice s ovim imenom.

Također Vas molimo da ove znakove postavite i iz smjera Bihaća na raskrsnici u Kamenici i na raskrsnici u Čehićima iz smjera Cazina odnosno Velike Kladuše. “

Vjećnička pitanja

Vijećnik Sej Ramić

1. Zbog čega su razriješeni, predsjednik i članovi Nadzornog odbora JU“Stanouprava“ Bihać, da li je razlog to što je otkrio mahinacije u javnoj ustanovi ili nešto drugo?

2. Traži od MUP-a USK-a da sprovodi Zakon o strancima , članak 118. stav 2 e) „ ako postoje osnovi sumnje da bi slobodno i neograničeno kretanje stranaca moglo ugroziti javni poredak, javni red i mir ili sigurnost ili međunarodne odnose BiH ili predstavljati prijetnju javnom zdravlju u BiH, odnosno ako je utvrđeno da predstavlja prijetnju za javni poredak , javni red i mir ili sigurnost BiH i

f) kad postoji sumnja u istinitost navoda stranca o njegovom identitetu ili se inače identitet stranca ne može utvrditi ni u roku od šest sati od dovođenja u službene prostorije.“

Vijećnik Hasan Keškić

Traži od direktora Turističke zajednice Grada Bihaća da se znamenitosti MZ Gata Ilidža uvrste na slikovne prikaze , mape i karte postavljene po gradu Bihaću, a koje prikazuju znamenitosti Grada Bihaća.

„MZ Gata je, pored termalnih voda, bogata sa neistraženim arheološkim nalazištem iz Rimskog , Osmanlijskog i Austrougarskog perioda , ima veliki broj spilja , sve ovo mora biti ugrađeno u turističku ponudu našeg grada. „

Vijećnik Hilmo Kozlica

Da li se provode preventivne mjere zdravstvene zaštite na području grada Bihaća, s ciljem zaštite zdravlja naših građana, radi prisutnosti nekoliko hiljada migranata nepoznatog zdravstvenog stanja, te zašto do sada nije uspostavljen „Karantin za novopridošle migrante“ kao neophodna preventivna mjera kojom se sprečava širenje mogućih zaraznih bolesti prema našem stanovništvu , obzirom da se veliki broj migranata nesmetano, bez ikakve kontrole , kreće gradom i u svakodnevnom su kontaktu sa našim građanima?

Vijećnik Nijaz Malkoč

1. Traži od nadležne Službe da riješi pitanje avio- snimanja za MZ Srbaljani koje je izvršeno 1968. i 1970. godine i prihvaćeno je za cijelo područje tadašnje Općine Bihać osim

MZ Srbaljani i Vinica. Ovo traži iz razloga što su tada izgrađeni bili mnogi objekti u ovim MZ ali ih vlasnici ne mogu legalizirati zbog ovog problema.

2. Kada će napokon doći do realizacije projekta rasvjete na srbaljanskom mostu?

3. Kada će biti riješen problem pasa lualica, kako u gradu tako i u prigradskim naseljima?

Vijećnik Edin Felić

1. Kada će biti očišćena i uređena zgrada „Doma penzionera „ u Bihaću , te zašto ovo do sada nije urađeno kada se zna da su ovu zgradu koristili migranti , a nalazi se u neposrednoj blizini šetnice uz rijeku Unu?

2. Da li će Gradonačelnik Grada Bihaća , i ako hoće , kada će N.K. Borac sa Izačića isplatiti obećani iznos , bez kojeg je ovaj Nogometni klub doveden u situaciju da se mora ugaziti?

U ime kluba SDA i u svoje lično ime traži da se hitno sazove tematska sjednica Gradskog vijeća sa dnevnim redom: „ ***Problematika i trenutno stanje u JP „Vodovod“ Bihać***

Vijećnik Refik Imširović

1. Kada će se izvršiti zamjena drvenih bandera betonskim stubovima na NN mreži u MZ Vrsta uz glavnu regionalnu cestu , kroz naselje Turija i zaseoke Gornji Majdan , jer su prije dvije godine građani dali suglasnost za postavljanje istih.?

2. Kada će biti postavljena rasvjetna tijela uz glavnu cestu u naselju Turija MZ Vrsta ? Ovo je neophodno što prije riješiti jer se ovom relacijom kreće sve više migranata prema Tržačkim Raštelima, kako bi se obezbijedila sigurnost mještana i vozača koji se kreću ovim putem.

3. Kada će JKP „Komrad“ Bihać izmjestiti pse lualice iz dvorišta OŠ „Harmani II“ zbog učestali napada pasa lualica na djecu i prolaznike?

Vijećnik Arnel Kozlica

Da li postoji mogućnost za postavljanje rasvjetnih tijela na postojeće AB električne stubove u ul. Golubičkih branitelja (Ripač –Golubić)? Ukoliko nema sredstava za ove radove, postoji li mogućnost ugradnje starih svjetiljki koje se trenutno zamjenjuju LED rasvjetom.

Vijećnik Adnan Habibija

1. Zašto komunalna inspekcija nije izvršila nadzor u MZ Veliki Lug, obzirom da se na više mjesta u ovoj mjesnoj zajednici nalaze mini deponije smeća, te shodno utvrđenom činjeničnom stanju zašto nije kaznila IOM i vlasnika BIRA-e kao zakupoprimca i

zakupodavca objekta koji služi za prihvatanje migranata jer su upravo migranti uzrok ovih deponija.

2. U MZ Pokoj došlo je do prekida putne komunikacije na nekategorisanom putu koji spaja MZ Pokoj i MZ Bakšaiš. Radi se o putu koji je uspostavljen još ratnih devedesetih godina a koji je predstavljao bitnu putnu komunikaciju za Grad Bihać u tim nemilim vremenima.

Pored historijske važnosti za Grad Bihać, ovaj put je bitan i za mještane MZ Pokoj koji su se svi solidarno odrekli dijela svojih parcela kako bi put nastavio i danas egzistirati zbog poljoprivrednih kultura i stočarstva. Ovaj put već godinama mještani MZ Pokoj koriste kako bi došli do svojih parcela i kako bi mogli izvršiti sjetvu.

Međutim, put je prekinut ogradom koja je instalirana na betonske stubove od strane vlasnika jedne od parcela i koji je doslovno onemogućio sve mještane MZ Pokoj da se koriste navedenim putem.

Postavljam pitanje nadležnim službama, da li ova ograda ima urednu građevinsku dokumentaciju (građevinsku ili urbanističku dozvolu).

Na osnovu čega su geometri utvrdili skicu i uspostavili parcelu bez da su konsultirani ostali vlasnici odnosno suvlasnici susjednih parcela?

Isto tako tražim od inspekcije da izađe na lice mjesta te utvrdi činjenično stanje, odnosno, ukoliko postoje određene neregularnosti, da preduzme zakonom predviđene mjere i ukloni ogradu na pomenutom putu.

3. Traži od nadležne službe sve relevantne informacije: da li migracioni centri „Đački dom“ i migracioni prihvatni centar „Bira“ ispunjavaju minimalno tehničke uslove, te da li posjeduju shodno zakonskim propisima upotrebnu dozvolu.

Također, zanima me da li je vlasnik „Bira“ izvršio prenamjenu objekta iz fabrike rashladnih aparata u migracioni prihvatni centar i da li posjeduje potrebnu dokumentaciju?

Vijećnik Adis Šušnjar

1. Upućuje pitanje Gradonačelniku Grada Bihaća i nadležnim službama Grada Bihaća, kao i JP Elektrodistribucija Bihać, a odnosi se na slijedeće:

Da li na području grada Bihaća postoje transformatori s polihlorovanim bifenilima (PCB) punjenjem?

Ako postoje, kako se zbrinjava PCB?

Prema određenim saznanjima na području grada Bihaća postoje transformatori s PCB punjenjem. Radi se o izuzetno opasnim spojevima koji narušavaju zdravlje ljudi, te je iz tog razloga nužno informirati javnost o štetnosti PCB-a kao i načinu njegova zbrinjavanja.

PCB jedinjenja karakteriše i izuzetna toksičnost što ga svrstava u grupu izuzetno opasnih i štetnih materija. PCB jedinjenja imaju sve karakteristike opasnog otpada u koji se ubrajaju, ne samo zbog svoje toksičnosti, već i kancerogenosti i kao takav negativno utiče na zdravlje ljudi i biosistema i predstavlja naglašeni rizik zagađenja životne sredine, vode, vazduha i zemljišta.

Neadekvatno i rizično postupanje, kao i upravljanje otpadom predstavlja jedan od najvećih problema u oblasti zaštite životne sredine.

Vijećnica Amra Čehajić

1. Na svega 58,1 km od Grada Bihaća u mjestu Trgovska Gora, R. Hrvatska planira gradnju odlagališta radioaktivnog nuklearnog otpada. Gradnja odlagališta takve vrste otpada planirana je u bivšim vojnim objektima na lokalitetu Čerkezovca u općini Dvor na Uni, u R. Hrvatskoj, udaljenoj manje od 3 km. od granice sa BiH.

Prema standardima EU-e poljoprivredni proizvodi, u čijoj blizini se nalaze ovakva odlagališta, gube značajno na cijeni i nemaju šansu na tržištu. Značajno se ugrožava flora i fauna, izvorišta vode i vodotoci, rijeke Una i Kupa.

Bez obzira što su Parlamentarna skupština BiH, te parlamenti oba BiH entiteta donijeli rezoluciju o protivljenju izgradnji odlagališta na Trgovinskoj Gori, vlasti u R. Hrvatskoj nastavljaju užurbano sa aktivnostima oko izgradnje odlagališta radioaktivnog i nuklearnog otpada.

U vezi s tim pitanje upućujem ambasadi R. Hrvatske u BiH, sa zahtjevom da mi se dostavi cjelovita informacija u vezi sa izgradnjom ovog odlagališta u Trgovinskoj Gori, uključujući i podatke o sigurnosnim aspektima ovog objekta, te zaštititi okoliša.

2. Kada će JKP „Komrad „ doo Bihać početi dovoziti kontejnere za krupni otpad na određena mjesta po mjesnim zajednicama? Znamo da od oktobra mjeseca građani plaćaju naknadu za odvoz krupnog otpada, a isti se ne odvozi.

Rasprave i odluke

Ad 1.

Prijedlog Odluke o utvrđivanju prosječne konačne građevinske cijene 1 m2 korisne stambene površine na području grada Bihaća u 2018. godini

Izjavitelj – Indira Semanić šef Odsjeka za imovinsko pravne poslove

Vijećnik Davor Župa – predsjednik Statutarne komisije

Pravni osnov za donošenje Prijedloga Odluke o utvrđivanju prosječne konačne građevinske cijene 1m2 korisne stambene površine na području Grada Bihaća u 2018. godini sadržan je u članu 66. Zakona o građevinskom zemljištu („Službene novine Federacije BiH“, broj 25/03, 16/04 i 67/05), kojim je propisano da kao osnovica za izračunavanje rente služi prosječna konačna građevinska cijena iz prethodne godine 1m2 korisne stambene površine na području općine, te da prosječnu konačnu građevinsku cijenu 1m2 korisne stambene površine utvrđuje Gradsko vijeće svake godine, a najkasnije do 31. marta tekuće godine, te u članu 35.

tačka c) Statuta Grada Bihaća („Službeni glasnik Grada Bihaća“, broj 13/15), kojim je utvrđena nadležnost Gradskog vijeća za donošenje odluka i drugih općih akata kojima uređuje pitanja iz samoupravnog djelokruga Grada.

Nakon razmatranja predložene Odluke, Komisija istu prosljeđuje Gradskom vijeću na razmatranje i zauzimanje konačnog stava.

Vijećnik Adnan Habibija – predsjednik Komisije za finansije i budžet

Usvajanjem navedene Odluke očekuje se povećanje prihoda u Budžetu Grada Bihaća, obzirom da će utvrđena cijena služiti kao osnovica za obračun rente u 2018.godini, te je Komisija prihvatila prijedlog Odluke i prosljeđuje ga Gradskom vijeću na razmatranje i zauzimanje konačnog stava.

Vijećnik Asmir Budimlić

Na početku izlaganja istakao je da neće podržati predloženu Odluku iz razloga što ista ide na štetu građana.

Predlaže da se iznos prosječne konačne građevinske cijene 1 m² korisne stambene površine smanji na 800,00 KM i to neće ići na štetu Budžeta Grada, a značajno će utjecati na naknade koje moraju plaćati građani prilikom gradnje.

Na kraju izlaganja ukazuje na tehničke greške koje se moraju ispraviti.

Vijećnica Amra Čehajić

Između ostalog, naglasila je da neće podržati predloženu Odluku iz razloga što se povećava cijena 1 m² korisne stambene površine, kada znamo da je neophodno stimulisati gradnju, a naročito stimulisati mlade ljude kako bi ih zadržali u našem gradu i zbog toga trebamo prihvatiti cijene koje pogoduju građanima.

Napominje da su od 4 firme traženi podatci o prosječnoj konačnoj građevinskoj cijeni 1 m² korisne stambene površine, međutim samo su dvije firme dostavile podatke, jedna u iznosu od 970,24 KM, bez uračunatog PDV-a, a druga iznos od 1.144,54 sa uračunatim PDV-om, što nije adekvatno da se na osnovu samo dvije ponude utvrdi prosječna cijena jednog m² korisne stambene površine na području grada Bihaća u 2018.godini.

Klub SDA predlaže slijedeći

a m a n d m a n:

➤ da se u predloženoj Odluci izmjeni član 1, tako da glasi:

Ovom Odlukom utvrđuje se prosječna cijena 1 m² korisne stambene površine na području grada Bihaća u 2018.godini u iznosu od 800,00 KM.

Vijećnik Edin Felić

Između ostalog, naglasio je da je zbog tehnički grešaka bilo razloga da se materijal vrati predlagaču na doradu. Pita, da li postoji pravilnik o načinu i obračunu cijene 1m²

korisne stambene površine, te traži pojašnjenje na osnovu kojih parametara se došlo do predložene cijene.

Moramo misliti na platežnu moć građana i ne treba većinu problema rješavati povećanjem cijena pojedinih usluga.

Vijećnik Irman Alijagić

Na početku izlaganja istakao je da je ovo pogrešan pristup i način za obračun 1 m² korisne stambene površine. Iste firme se pojavljuju svake godine na osnovu čijih cijena se izračunava 1m² korisne stambene površine, ovo nisu relevantne cijene i one ne odražavaju pravo stanje cijena na tržištu gradnje. PDV ne može biti iskazan u konačnoj cijeni, ovo treba biti neto cijena, a ne bruto kako je prikazano u predloženoj Odluci. Nadležna Služba je trebala uzeti prosjek cijena od više firmi, te izračunati neto cijenu koja bi sigurno bila manja od 800,00KM. Pita, da li su navedene firme dostavile strukturu cijena svojih izvedenih radova što utiče na konačnu cijenu. Na kraju izlaganja napomenuo je da nema razloga za povećanje cijene 1m² korisne stambene površine, ako želimo razvijati grad i ako želimo investitore.

Vijećnik Davor Župa

Između ostalog, naglasio je da se građanima može pomoći subvencioniranjem troškova, a ne smanjenjem cijena. Mora se misliti i na to kako napuniti budžet Grada i u koje svrhe se koriste sredstva od rente jer ona imaju velikog udjela u razvoju infrastrukture za buduće investitore. Kad je u pitanju cijena 1m² korisne stambene površine iznio je statističke podatke za ostale gradove i općine u BiH koje su u većini gradova više od predloženih u Odluci. Neophodno je cijenu 1m² korisne stambene površine uraditi na ekonomskoj osnovi.

Vijećnik Hasan Keškić

Ističe da je protiv bilo kakvih povećanja usluga građana, obzirom da plaćamo najskuplje usluge u regionu, kako za električnu energiju tako i za PTT usluge, komunalne i sve druge usluge. Treba biti iskren pa naglasiti da je ogroman birokratski aparat u svim segmentima društva što je veoma teško isfinansirati. Svjedoci smo povećanja cijena iz dana u dan a plaće u realnom sektoru se ne povećavaju niti ima izgleda da će se ubuduće povećati, stoga treba sve ovo imati u vidu kad donosimo Odluke koje se odnose na bilo koje povećanje cijena.

Vijećnik Adnan Habibija

Na početku izlaganja govorio je o investitorima koji grade stanove, a čija cijena je bila relevantna za odeđivanje cijene 1 m² korisne stambene površine.

Svako povećanje cijena je udar na naše građane kojima trebamo subvencionirati ovakve troškove kako bi smo zadržali odlazak velikog broja građana, odnosno mladih ljudi iz Bosne i Hercegovine.

Vijećnik Adis Šušnjar

Na početku izlaganja pita: šta konkretno za Budžet Grada znači cijeni od 800,00 KM koju je predložio Klub SDA, koliko je to manje sredstava u Budžetu Grada.

Takođe pita: da li je cijena ista za sve zone, te može li se amandmanski utjecati da budu različite cijene po zonama.

Vijećnik Sanel Havić

Ističe da cijena gradnje zavisi od mjesta odnosno terena na kome se objekat gradi i svih ostalih faktora koji utječu na gradnju, što se može izračunati i odrediti stvarna cijena. Smatra da veliki problem predstavlja reketiranje investitora.

Indira Semanić, dala je pojašnjenje i odgovorila na postavljena pitanja gradskih vijećnika.

Nakon provedenih rasprava, predsjedavajući predloženi materijal i amandman Kluba SDA daje na usvajanje.

Prijedlog ***amandmana Kluba SDA*** da se u predloženoj Odluci izmjeni član 1, tako da glasi: Ovom Odlukom utvrđuje se prosječna cijena 1 m² korisne stambene površine na području grada Bihaća u 2018. godini u iznosu od 800,00 KM., **nije usvojen, jer je 10 vijećnika je bilo za, 16 suzdržanih, niko protiv.**

Prijedlog Odluke o utvrđivanju prosječne konačne građevinske cijene 1 m² korisne stambene površine na području Grada Bihaća u 2018. godini, usvojen je sa 16 glasova za, 9 protiv, 1 suzdržan

Ad.2.

Prijedlog Odluke o prodaji zemljišta neposrednom pogodbom Dedić (Zaima) Samiru iz Bihaća radi oblikovanja građevinske parcele

Izvjestilac - Indira Semanić šef Odsjeka za imovinsko-pravne poslove

Davor Župa – predsjednik Statutarne komisije

Pravni osnov za donošenje Prijedloga Odluke o prodaji zemljišta neposrednom pogodbom Dedić (Zaima) Samiru iz Bihaća radi oblikovanja građevinske parcele sadržan je u

članu 363. stav (3) tačka 5) Zakona o stvarnim pravima Federacije BiH („Službene novine Federacije BiH“, broj 66/13 i 100/13), kojim je propisano da se prodaja odnosno opterećenje pravom građenja nekretnina u vlasništvu Federacije, kantona i jedinica lokalne samouprave, izuzetno može izvršiti neposrednom pogodbom radi oblikovanja građevinske parcele, te u članu 35. tačka j) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća za donošenje odluka o upravljanju i raspolaganju imovinom grada.

Komisija prosljeđuje predloženu Odluku Gradskom vijeću, radi obavljanja rasprave i zauzimanja konačnog stava.

Vijećnik Adnan Habibija, predsjednik Komisije za finansije

Obzirom da bi se usvajanjem predložene Odluke i njenom realizacijom povećali prihodi Grada Bihaća, Komisija je istu prihvatila i prosljeđuje je Gradskom vijeću, radi obavljanja rasprave i zauzimanja konačnog stava.

Kako po predloženom materijalu nije bilo rasprava, predsjedavajući isti daje na usvajanje.

Prijedlog Odluke o prodaji zemljišta neposrednom pogodbom Dedić (Zaima) Samiru iz Bihaća radi oblikovanja građevinske parcele, usvojen je jednoglasno (25 za)

Ad.3.

a) Prijedlog Odluke o utvrđivanju javnog interesa za potpunu eksproprijaciju nekretnina u svrhu realizacije Projekta za „Izgradnju trake za spora vozila na cesti M 5 Bihać – Bosanski Petrovac- Ključ, LOT 1, dionica Ripač – Vrtoče (M5_003 Ripač – Vrtoče 2), Poddionica Ripač – Dubovsko“

b) Prijedlog Odluke o utvrđivanju javnog interesa za potpunu eksproprijaciju nekretnine u svrhu izgradnje transformatorske stanice TS 20(10)/0,4 kV „Borići“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać

c) Prijedlog Odluke o utvrđivanju javnog interesa za potpunu eksproprijaciju nekretnina u svrhu legalizacije i izgradnju kanalizacione mreže u korist JU „Zavod za prostorno uređenje“ Bihać

d) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije kablovskog dalekovoda 10(20) kV TS 35/10 (20) kV „Žitoprerada“ – prvi željeznorešetkasti stub 10(20) dalekovod „Vinica-Čekrlje“ Grad Bihać, u korist JP Elektroprivreda BiH d.d. Sarajevo, Podružnica „Elektrodistribucija“ Bihać

e) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije i izgradnje dijela podzemnog 10(20) kV kablovskog dalekovoda TS 35/10 kV „Bihać“ – TS10 (20)/04 kV „Ozimice 2“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać

f) Prijedlog Odluke o utvrđivanju javnog interesa za nepotpunu eksproprijaciju nekretnina radi izgradnje KB 10 (20) kV dionica TS „Aleja“ – TS „Borići“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać

Izvjestilac – Semanić Indira šef Odsjeka za imovinsko-pravne poslove

Vijećnik Davor Župa – predsjednik Statutarne komisije

Pravni osnov za donošenje predloženih Odluka sadržan je u članu 14. stav (4) Zakona o eksproprijaciji („Službene novine Federacije BiH“, broj 70/07, 36/10, 25/12 i 34/16), kojim je propisano da Odluku o utvrđivanju javnog interesa za izgradnju objekta ili izvođenje radova na području grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, te u članu 35. tačka j) Statuta Grada Bihaća („Službeni glasnik Grada Bihaća“, broj 13/15), kojim je utvrđena nadležnost Gradskog vijeća za donošenje odluka o upravljanju i raspolaganju imovinom grada.

Nakon razmatranja predloženih Odluka Komisija traži od predlagača da u uvodu Odluke riječi „tačka c)“ zamijeni s riječima „tačka j)“, te iza riječi „Službeni glasnik Grada Bihaća“, broj 13/15“ doda riječi „13/18“.

Komisija prosljeđuje predložene Odluke Gradskom vijeću, radi obavljanja rasprave po istoj i zauzimanja konačnog stava.

Vijećnik Adnan Habibija predsjednik Komisije za finansije i budžet

Komisija je prihvatila predložene Odluke, obzirom da je za njihovu realizaciju obezbijedio finansijska sredstva korisnik eksproprijacije, JP Elektroprivreda BiH d.d. Sarajevo, Podružnica „Elektrodistribucija“ Bihać, te ih prosljeđuje Gradskom vijeću, na razmatranje i zauzimanje konačnog stava

Vijećnik Hasan Keškić

Između ostalog, istakao je nezadovoljstvo sa odnosom „Elektrodistribucije“ Bihać prema ruralnim sredinama, obzirom da do danas nisu obezbijedili kvalitetnije elektroenergetsko napajanje za građane na ovim područjima. Bitno je da građani uredno plaćaju račune, a još uvijek im drvene bandere nisu zamijenjene, niti je bilo šta učinjeno da se poboljša kvalitet snabdijevanja električnom energijom seoskih domaćinstava.

Vijećnik Sej Ramić

Pita: kako je mogao biti priključen Đački dom „Borići“ na elektro - mrežu, kada objekat nema upotrebnu dozvolu.

Indira Semanić – dala je pojašnjenje i odgovorila je na postavljena pitanja.

Kako nije bilo daljnjih rasprava, predsjedavajući predložene odluke daje na usvajanje.

a) Prijedlog Odluke o utvrđivanju javnog interesa za potpunu eksproprijaciju nekretnina u svrhu realizacije Projekta za „Izgradnju trake za spora vozila na cesti M 5 Bihać – Bosanski Petrovac- Ključ, LOT 1, dionica Ripač – Vrtoče (M5_003 Ripač – Vrtoče 2), Poddionica Ripač – Dubovsko“, usvojen je sa 23 glasa za, 1 glas suzdržan

b) Prijedlog Odluke o utvrđivanju javnog interesa za potpunu eksproprijaciju nekretnina u svrhu legalizacije i izgradnju kanalizacione mreže u korist JU „Zavod za prostorno uređenje“ Bihać, usvojen je sa 23 glasa za, 1 glas suzdržan

c) Prijedlog Odluke o utvrđivanju javnog interesa za potpunu eksproprijaciju nekretnine u svrhu izgradnje transformatorske stanice TS 20(10)/0,4 kV „Borići“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać, nije usvojen jer je 15 vijećnika bilo za, 8 protiv

Klub SDA traži pojedinačno izjašnjavanje vijećnika.

Nakon pojedinačnog izjašnjava **Prijedlog Odluke o utvrđivanju javnog interesa za potpunu eksproprijaciju nekretnine u svrhu izgradnje transformatorske stanice TS 20(10)/0,4 kV „Borići“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać, nije usvojen jer je 15 vijećnika bilo za, 8 protiv**

d) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije kablovskog dalekovoda 10(20) kV TS 35/10 (20) kV „Žitoprerada“ – prvi željeznorešetkasti stub 10(20) dalekovod „Vinica-Čekrlje“ Grad Bihać, u korist JP Elektroprivreda BiH d.d. Sarajevo, Podružnica „Elektrodistribucija“ Bihać, usvojen je sa 22 glasa za, 1 protiv i 1 suzdržan glas

e) Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije i izgradnje dijele podzemnog 10(20) kV kablovskog dalekovoda TS 35/10 kV „Bihać“ – TS10 (20)/04 kV „Ozimice II“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać, nije usvojen jer je 15 vijećnika glasalo za, 2 protiv i 8 suzdržanih

Klub SDP-a traži pojedinačno izjašnjavanje vijećnika.

Nakon pojedinačnog izjašnjavanja, ***Prijedlog Odluke o utvrđivanju javnog interesa za nepotpunu eksproprijaciju nekretnina radi legalizacije i izgradnje dijele podzemnog 10(20)***

kV kablovskog dalekovoda TS 35/10 kV „Bihać“ – TS10 (20)/04 kV „Ozimice II“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać, usvojen je sa 16 glasova za, 2 protiv, 7 suzdržanih.

f) Prijedlog Odluke o utvrđivanju javnog interesa za nepotpunu eksproprijaciju nekretnina radi izgradnje KB 10 (20) kV dionica TS „Aleja“ – TS „Borići“ Grad Bihać u korist JP Elektroprivreda BiH d.d. Sarajevo, Podružnica „Elektrodistribucija“ Bihać, usvojen je sa 16 glasova za, 9 protiv

Ad.4.

Prijedlog Odluke o izmjenama i dopuni Odluke o regulaciji saobraćaja na području grada Bihaća

Izvjestilac – Jasmin Stambolija pomoćnik Gradonačelnika Službe za komunalne djelatnosti, vode i zaštitu okoliša i komunalnu inspekciju

Vijećnik Davor Župa – predsjednik Statutarne komisije

Pravni osnov za donošenje prijedloga Odluke o izmjenama i dopuni Odluke o regulaciji saobraćaja na području grada Bihaća, sadržan je u članu 2. Zakona o osnovama sigurnosti saobraćaja na cestama u Bosni i Hercegovini („Službeni glasnik BiH“, broj 06/06, 75/06, 44/07, 84/09, 48/10, 18/13, 8/17, 89/17 i 9/18), kojim je, između ostalog, propisano da će organi lokalne samouprave i lokalne uprave u gradovima i općinama osigurati provođenje Zakona i u okviru svoje nadležnosti donositi propise i preduzimati druge potrebne mjere za njegovo dosljedno provođenje i članu 35. tačka c) Statuta Grada Bihaća („Službeni glasnik Grada Bihaća“, broj 13/15, 13/18), kojim je utvrđena nadležnost Gradskog vijeća, da u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Nakon razmatranja predložene Odluke, Komisija istu prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Adnan Habibija – predsjednik Komisije za finansije i budžet

Nakon razmatranja Komisija je procijenila da usvajanjem predložene Odluke i njenom realizacijom dolazi do poboljšanja kvalitete i bezbjednosti regulacije saobraćaja, te istu prihvata i prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Arnel Kozlica

Predlaže da se u članu 8. Aneks I tačka 14. pored ulice Ribićkih Ljiljana doda i ulica „Orljanskih Ljiljana“, obzirom da se radi o istoj ulici koja se nastavlja jedna na drugu.

Vijećnik Adnan Habibija

Između ostalog pita: zašto nije udovoljeno JU OS „Gornje Prekounje – Ripač“ da se postave ležeći policajci u ulici Hadžiabdića mahali. Zbog čega upravitelj smatra neopravdanim ovakav zahtjev, kada se zna je ova ulica veoma prometna, a većina učenika se koristi istom.

Kada su u pitanju taxi i autobusna stajališta, činjenica je da se moraju označiti i urediti, te da se na autobusnim stajalištima moraju uraditi nadstrešnice, a isto tako potrebno je izvršiti revizija svih stajališta i sagledati njihovo stanje, da li su neophodna ili treba izgraditi nova.

Vijećnik Davor Župa

Istakao je, kada je u pitanju postavljanje prepreka na saobraćajnici odnosno ležećih policajaca, struka mora dati svoje mišljenje i prijedloge. Isto tako prepreke sa cesta moraju se sklanjati zimi, a postavljati u proljeće što takođe iziskuje i vrijeme i trošak. Bolje je ove prepreke zamijeniti sa stacioniranim radarima jer oni ne bi pravili smetnje vozilima hitne pomoći i vatrogascima.

Vijećnik Edin Felić

Između ostalog, naglasio je da je trebalo prihvatiti zahtjev OŠ „Gornje Prekounje – Ripač“ za postavljanje ležećih policajaca u ulici Hadžiabdića mahali, s obzirom na blizinu škole i često prelaženje đaka preko ulice radi kupovine u objektima sa druge strane ulice. Takođe je istakao da je veoma bitno urediti autobusna stajališta, postaviti nadstrešnice zbog čestih vremenskih neprilika u kojima se zateknu putnici. Smatra da treba označiti i taxi stajalište i više angažovati policiju radi prekršaja koje čine pješaci i vozači.

Vijećnik Dinko Bećirspahić

U svom izlaganju istakao je da u ulici Đačka postoji jedan ležeći policajac što je nedovoljno. Mišljenja je da bi trebalo postaviti više prepreka u ovoj ulici s obzirom da se u istoj nalaze tri škole, a vozači ne prilagođavaju brzinu kretanja prema postavljenim oznakama.

Vijećnik Almir Budimlić

Predlaže da se u ulici Meše Selimovića u Hatincu postave prepreke na saobraćajnici zbog velike brzine kojom se kreću vozila u ovoj ulici ili barem postaviti oznaku sa ograničenjem brzine.

Vijećnik Hilmo Kozlica

U svom izlaganju spomenuo je saobraćajnicu od Dubovskog do Kulen Vakufa koja ima 11 autobusnih stajališta, a u stvari samo jedno je registrirano i označeno. Ostalih 10 nema nikakvih oznaka, nalaze se u zavojima u kojima je zaustavljanje vrlo opasno. Stoga traži od Komisije za saobraćaj da poduzme sve mjere da se ova saobraćajnica obezbijedi sa horizontalnom i vertikalnom signalizacijom zbog Nacionalnog parka „Una“ i prolaska velikog broja turista.

Jasmin Stambolija dao je pojašnjenje i odgovorio na postavljena pitanja vijećnika.

Prijedlog Odluke o izmjenama i dopuni Odluke o regulaciji saobraćaja na području grada Bihaća, usvojen je jednoglasno(23 glasa za)

Ad.5.

Prijedlog Odluke o odabiru najpovoljnijih ponuda za zakup poljoprivrednog zemljišta u vlasništvu države na području grada Bihaća

Izjavitelj – Elmina Emrulović – šef Odsjeka za lokalni razvoj

Vijećnik Davor Župa – predsjednik Statutarne komisije

Pravni osnov za donošenje Prijedloga Odluke o odabiru najpovoljnijih ponuda za zakup poljoprivrednog zemljišta u vlasništvu države na području grada Bihaća sadržan je u članu 108. stav (1) Zakona o poljoprivrednom zemljištu („Službene novine Federacije Bosne i Hercegovine“, broj 52/09), kojim je propisano da Odluku o raspisivanju javnog poziva za zakup poljoprivrednog zemljišta u vlasništvu države i odluku o odabiru najpovoljnije ponude, donosi općina uz saglasnost kantonalnog ministarstva na čijem se području zemljište nalazi, te članu 35. tačka j) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da u okviru samoupravnog djelokruga donosi odluke o upravljanju i raspolaganju imovinom Grada.

Nakon razmatranja predložene Odluke, Komisija traži od predlagača da član 2. Odluke uskladi sa tačkom I. Odluke o davanju saglasnosti koju je donijela Vlada Unsko-sanskog kantona pod brojem 03-017-1346/2016 od 24.03.2016.godine, a kojom je data saglasnost jedinicama lokalne samouprave odnosno općinama da nakon odabira najpovoljnije ponude putem javnog poziva sklope ugovore o zakupu državnog poljoprivrednog zemljišta. U skladu s tim član 2. predložene Odluke treba da glasi:

„Član 2.

Sa ponuđačima iz člana 1. ove Odluke, Gradonačelnik Grada Bihaća zaključit će ugovore o zakupu poljoprivrednog zemljišta u vlasništvu države na području grada Bihaća.“

Član 3. se mijenja i glasi:

„Član 3.

Ugovori se neće zaključiti sa onim ponuđačima kod kojih Komisija, koju će svojim aktom imenovati Gradonačelnik, utvrdi da postoje neriješeni imovinsko-pravni odnosi.“

Iza člana 3. dodaje se novi član 4. koji glasi:

„Član 4.

Sa ponuđačima, koji do zaključenja ugovora o zakupu, ne izmire dugovanja prema Gradu Bihaću, koja imaju po osnovu ranije zaključenih ugovora o zakupu poljoprivrednog zemljišta u vlasništvu države na području grada Bihaća, neće se zaključiti Ugovori.“

Član 4. predložene Odluke postaje član 5, član 5. postaje postaje član 6., a član 6. postaje član 7.

Obzirom da poljoprivredno zemljište, kao prirodno bogatstvo, ima prvenstvo korištenja za poljoprivrednu proizvodnju u odnosu na sve druge funkcije i namjene, te da je poljoprivreda jedna od temeljnih grana privrede na području grada Bihaća, Statutarna komisija predlaže da Gradsko vijeće donese slijedeći:

Z a k l j u č a k

1. Traži se od Gradonačelnika da poduzme sve mjere u okviru svojih nadležnosti kako bi se zapušteno poljoprivredno zemljište vratilo poljoprivrednoj proizvodnji, na način utvrđen Zaključkom broj 01-02-3-40/19, koji je donijela Skupština USK-a, dana 06.03.2019.godine.

2. U cilju dosljednog provođenja Zaključka iz tačke 1., Gradonačelnik će putem resornih Službi pristupiti utvrđivanju stvarne površine državnog poljoprivrednog zemljišta na području grada Bihaća, obzirom da je posljednji popis sačinjen 2011.godine, te da utvrđene površine poljoprivrednog zemljišta ne odgovaraju stvarnom stanju na terenu po katastarskim općinama.

3. Grad je dužan uspostaviti evidenciju – registar identifikovanog poljoprivrednog zemljišta po katastarskim općinama sa naznačenom površinom, kulturama i klasama navedenog zemljišta.

4. Uspostavljena evidencija – registar državnog poljoprivrednog zemljišta bit će osnov za donošenje novog Programa gospodarenja zemljišta u vlasništvu države na području grada Bihaća, kao i Odluke o raspisivanju Javnog poziva za zakup poljoprivrednog zemljišta u vlasništvu države na području grada Bihaća, a u skladu sa članom 108. Zakona o poljoprivrednom zemljištu.

5. Sve pravne osobe koje se bave poljoprivrednom proizvodnjom na zemljištu, fizičke osobe koje su vlasnici zemljišta i drugi korisnici poljoprivrednog zemljišta, dužni su poljoprivredno zemljište koristiti i obrađivati na način propisan Zakonom o poljoprivrednom zemljištu, uz dosljednu primjenu člana 46. navedenog Zakona, kojim je propisano plaćanje takse za neobrađeno poljoprivredno zemljište.

6. Gradsko pravobranilaštvo Grada Bihaća dužno je poduzeti sve mjere i aktivnosti u zaštiti državnog poljoprivrednog zemljišta, te pružiti stručnu pomoć resornim Službama Gradskog organa uprave u provođenju ovog Zaključka.

Predloženi Zaključak zajedno sa Odlukom, Komisija prosljeđuje Gradskom vijeću na razmatranje i zauzimanje konačnog stava.

Vijećnik Adnan Habibija – predsjednik Komisije za finansije i budžet

Komisija je ocijenila da će se predloženom Odlukom i njenom realizacijom, zapušteno državno zemljište staviti u funkciju, te da će se povećati prihodi Grada Bihaća, te je istu prihvatila i prosljeđuje je Gradskom vijeću, radi obavljanja rasprave i zauzimanja konačnog stava.

Vijećnik Adnan Habibija

Mišljenja je da stvarnim poljoprivrednicima treba pomoći i osloboditi ih svih nameta kako bi se unaprijedila poljoprivreda i zadržali sadašnji poljoprivrednici. Činjenica je da ima dosta tzv. poljoprivrednika koji uzimaju zemlju pod zakup radi dobijanja poticaja, ali je ne obrađuju, niti uređuju.

Kako se radi o neuređenoj oblasti ranije je inicirao da se formira komisija koja će popisati svu državnu imovinu čiji je vlasnik Grad Bihać, kako bi imali registar efektivne imovine koja bi se mogla ponuditi kao poljoprivredno ili građevinsko zemljište.

Takođe, moramo obratiti pažnju kome se zemljište daje na 100 godina kao koncesija, odnosno pita: da li na području Grada Bihaća ima takvog zemljišta koje je davano na koncesiju na 20 i više godina.

Pomenuo je i privatizirane firme koje su u svom vlasništvu imale zemljište u sklopu firme, a koja su se otuđivala na nezakonit način, što svakako treba riješiti.

Vijećnik Edin Felić

Između ostalog, napomenuo je da ima puno neobrađenog zemljišta koje bi trebalo dati stvarnim poljoprivrednicima koji ga žele obrađivati i na taj način ćemo kao lokalna zajednica imati određenu korist. Kroz predloženi materijal vidimo da dvije ponude nisu riješene zbog toga što na terenu se nisu mogle identifikovati kat.čestice, međutim trebalo je i ove dvije ponude riješiti te naći pogodno zemljište u blizini onog koje se nije moglo identifikovati. Ovo je jedinstvena prilika da se počne sa ustrojavanjem registra državne imovine sa kojom će grad moći raspolagati.

Vijećnik Dinko Bećirspahić

Ističe da nemamo ozbiljnu politiku upravljanja zemljišta, nemamo kartu upotrebne vrijednosti zemljišta i zato nam se dešava da kvalitetna poljoprivredna zemljišta pretvaramo u građevinska.

Mora se inicirati donošenje Zakona o obradi zemljišta bez saglasnosti vlasnika, kako bi bile stvorene olakšice za stvarne poljoprivrednike. Ako želimo pomoći poljoprivrednicima moramo naći načina da neobrađiva zemljišta pretvorimo u obrađiva, a to je čišćenje odvodnih kanala u blizini takvih zemljišta, provođenjem komasacije i izradom karte o upotrebnoj vrijednosti zemljišta.

Takođe, predlaže da se uputi inicijativa prema Vladi USK-a, odnosno nadležnom ministarstvu da se izvrši povrat poljoprivrednog zemljišta od ugašenih poljoprivrednih zadruga na Grad Bihać.

Vijećnik Asmir Budimlić

Ispred Kluba SDA traži da se na slijedeću sjednicu Gradskog vijeća dostavi informacija o stanju u poljoprivredi na području Grada Bihaća sa smjernicama za daljnji razvoj poljoprivrede obzirom da je ova informacija planirana u Programu rada Vijeća za 2019. godinu, a u cilju dobijanja što kvalitetnijih informacija koje će pokazati pravo stanje u ovoj oblasti.

Elmina Emrulović dala je pojašnjenje i odgovorila na postavljena pitanja vijećnika.

Prijedlog Odluke o odabiru najpovoljnijih ponuda za zakup poljoprivrednog zemljišta u vlasništvu države na području grada Bihaća, usvojen je jednoglasno (27 za)

Ad.6.

Prijedlog Odluke o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać

Izvjetilac – Sakib Alijagić šef Odsjeka za pravne poslove

Vijećnik Davor Župa predsjednik Statutarne komisije

Pravni osnov za donošenje Odluke o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać sadržan je u članu 5. stav (3) Zakona o koncesijama („Službeni glasnik Unsko-sanskog kantona“, broj 10/03, 7/09, 19/13 i 9/17), kojim je propisano da u slučajevima kada Vlada Kantona odlučuje o dodjeli koncesije za određeno dobro na osnovu člana 3. ovog Zakona, odluku iz stava 1. ovog člana donosi Vlada Kantona na prijedlog resornog ministra i uz prethodnu saglasnost općinskog vijeća na čijem se području nalazi koncesiono dobro ili općinskih vijeća ukoliko se koncesiono dobro nalazi na području više općine, članu 28. stav (3) istog Zakona kojim je propisano da ugovor o koncesiji ne može se prenijeti na drugog koncesionara bez prethodne saglasnosti komisije, općinskog vijeća općine na čijem području se nalazi koncesiono dobro i

Vlade Kantona, te članu 35. tačka gg) Statuta Grada Bihaća („Službeni glasnik Grada Bihaća“, broj 13/15 i 13/18), kojim je propisano da Gradsko vijeće u okviru samoupravnog djelokruga daje saglasnost na koncesije na način propisan zakonom.

Komisija je konstatala da je neupitan pravni osnov za donošenje predložene Odluke, ali evidentno je da pri donošenju ovakvih Odluka, novi koncesionar preuzme ranije neizmirene obaveze prethodnog koncesionara po pitanju plaćanja naknada za iskopanu mineralnu sirovinu, odnosno nema dokaza da je izmirio dugovanja ranijeg koncesionara, a pod kojim uvjetima Vijeće daje saglasnost.

Komisija traži od predlagača da predloženu Odluku povuče sa dnevnog reda 31. sjednice Gradskog vijeća, te u međuvremenu traži od Ministarstva privrede USK-a da dostavi dokaz o izmirenim obavezama, nakon čega će Vijeće pristupiti donošenju predložene Odluke.

Vijećnik Adnan Habija – predsjednik Komisije za finansije i budžet

Komisija je ocijenila da bi se usvajanjem predložene Odluke i njenom realizacijom trebali povećati prihodi Grada Bihaća, te od predlagača traži da se prije davanja saglasnosti na prenos Ugovora, izmire obaveze prethodnog koncesionara i da se od ministarstva dostavi dokaz da su obaveze izmirene.

Obzirom da uz prijedlog Odluke nisu dostavljeni dokazi da je prethodni koncesionar izmirio svoje obaveze, Komisija traži od predlagača da povuče predloženu Odluku, te kada od resornog ministarstva pribavi dokaz o izmirenim obavezama, da se prijedlog uputi u daljnju proceduru.

Vijećnik Irman Alijagić

Predlaže da se predložena Odluka povuče sa dnevnog reda zbog toga što nije uz istu dostavljen dokaz o izvršenoj uplati obaveza koncesionara prema Gradu Bihaću.

Predlaže da Gradsko vijeće donese zaključak kojim će obavezati koncesionara da izmiri obaveze prema Gradu Bihaću. Pita: zašto na dnevnom redu Gradskog vijeća nije uvrštena Informacija o prikupljenim sredstvima u 2017. godini po osnovu koncesionih naknada.

Vijećnik Adnan Habibija

Na početku izlaganja osvrnuo se je na Zakon o prirodnim dobrima koji do danas nije usvojen i zbog toga imamo ovakvu situaciju sa koncesijama i neizmirenim obavezama kako prema Gradu Bihaću, tako i prema USK-a. Napominje da se mora uspostaviti sistem kontrole, te da se mora voditi računa o tome da se na vrijeme uplaćuju sredstva u Budžet Grada.

Na kraju izlaganja podržao je prijedlog vijećnika Irmana Alijagića da se predložena odluka ne prihvati dok se ne dostavi dokaz o izvršenoj uplati duga koncesionara prema Gradu Bihaću.

Hasan Barjaktarević ispred Ministarstva vodoprivrede i šumarstva govorio je o problemima vezanim za potraživanja i naplativosti od koncesionara koja se odnose na istraživanja i eksploataciju prirodnih dobara.

Vijećnik Davor Župa ispred Kluba DF-a traži pauzu kako bi klubovi stranaka zauzeli stav prema predloženoj odluci.

Nakon pauze predsjedavajući iznosi stavove klubova u formi zaključka, kako slijedi:

z a k l j u č a k

- Odluka o davanju saglasnosti na prenos ugovora o koncesiji za istraživanje i eksploataciju dolomita na ležištu „Podići-Međudražje sa privrednog društva „Horizont“ d.o.o. Bihać na privredno društvo „HC-ING“ d.o.o. Bihać, vraća se predlagaču na dopunu.
- Predlagač je dužan u skladu sa članom 149. stav (3) pribaviti dokaz od Ministarstva finansija USK-a da su u cijelosti izmirene obaveze koncesionara po osnovu obračunatih naknada za dodijeljenu koncesiju za eksploataciju mineralnih sirovina, a koje su definisane u Dokumentu o politici dodjele koncesija („Službeni glasnik USK, br. 3/12, 14/12, 14/13, 10/15 i 12/15) te nakon pribavljanja dokaza o izmirenju navedenih obaveza, uputiti prijedlog Odluke iz tačke 1. ovog Zaključka Gradskom vijeću na ponovno odlučivanje.

Predloženi Zaključak usvojen je jednoglasno (25 vijećnika za)

Ad.7.

Plan implementacije Strategije razvoja općine Bihać 2014.-2023. za period 2019.-2021.godine i jednogodišnji Plan implementacije za 2019.godinu

Izjestilac – Nijaz Lipovača pomoćnik Gradonačelnika Službe za lokalno ekonomski razvoj

Vijećnik Davor Župa – predsjednik Statutarne komisije

Pravni osnov za donošenje predložene Odluke o usvajanju Plana implementacije Strategije razvoja općine Bihać 2014.-2023. za period 2019.-2021.godine i jednogodišnji Plan implementacije za 2019.godinu, sadržan je u članu 35. tačka h) Statuta Grada Bihaća („Službeni glasnik Grada Bihaća“, broj 13/15 i 13/18) i u razvojnom dokumentu Strategije razvoja općine Bihać 2014-2023, u poglavlju 13. Operativni plan – Plan razvoja organizacijskih kapaciteta i ljudskih potencijala.

Komisija traži od predlagača da na sjednicu Gradskog vijeća dostavi pismeno obrazloženje načina finansiranja Plana implementacije Strategije razvoja općine Bihać 2014.-2023. za period 2019.-2021.godine i jednogodišnjeg Plana implementacije za 2019.godinu, radi njegove efikasnije provedbe, te predloži mjere za unapređenje implementacije navedene strategije i jednogodišnjeg Plana za 2019.godinu.

Komisija prosljeđuje predloženu Odluku Gradskom vijeću, na razmatranje i zauzimanje konačnog stava.

Vijećnik Adnan Habibija – predsjednik Komisije za finansije i budžet

Komisija je mišljenja da je finansijska struktura Plana implementacije Strategije razvoja Općine Bihać 2014 - 2023. za period 2019. – 2021.godine i jednogodišnjeg Plana implementacije za 2019.godine, realna obzirom da su za realizaciju istih finansijska sredstva planirana u budžetu za 2019.godinu, u projektima rada resornih gradskih Službi i Javnih preduzeća, te u programima JU Zavod za prostorno uređenje Bihać.

Za očekivati je da će se dio projekata realizirati i sufinansiranjem iz Budžeta Grada i partnera u projektima Grada Bihaća.

Također, Komisija je u cijelosti prihvatila predložene mjere za unapređenje implementacije Strategije i Plana za 2019.godinu, među kojima je posebno značajna mjera koja se odnosi na disciplinu izvršavanja preuzetih ugovorenih obaveza u realizaciji zajedničkih programa i projekata od strane Grada prema partnerima u projektima, a to će u konačnici dovesti do većeg stepena realizacije utvrđenog Plana.

Kako po predloženom materijalu nije bilo rasprava isti se daje na usvajanje.

Plan implementacije Strategije razvoja općine Bihać 2014.-2023. za period 2019.-2021.godine i jednogodišnji Plan implementacije za 2019.godinu, usvojen je jednoglasno sa (23 glasa za)

Ad.8.

Prijedlog Zaključka o davanju saglasnosti na cijene povjerenih komunalnih usluga zajedničke komunalne potrošnje za 2019.godinu

Izjavitelj – Jasmin Stambolija pomoćnik Gradonačelnika Služba za komunalne djelatnosti, vode, zaštitu okoliša i komunalnu inspekciju

Vijećnik Davor Župa – predsjednik Statutarne komisije

Pravni osnov za donošenje Prijedloga Zaključka o davanju saglasnosti na cijene povjerenih komunalnih usluga zajedničke komunalne potrošnje za 2019.godinu sadržan je u odredbama člana 34. stav (2) Zakona o komunalnim djelatnostima („Službeni glasnik Unsko-sanskog kantona“, broj 4/11, 11/11, 6/12, 13/12 i 14/17), kojim je propisano da se cijena

komunalnih proizvoda i usluga koju je utvrdio davalac komunalne usluge ne može primjenjivati bez prethodne saglasnosti općinskog vijeća i članu 132. tačka b) Poslovnika Gradskog vijeća Bihać (“Službeni glasnik Grada Bihaća“, broj 3/16), kojim je propisano da Gradsko vijeće u okviru svoga djelokruga rada, zaključkom daje saglasnost ili potvrđuje pojedine akte kada je to propisom određeno.

Nakon razmatranja predloženog materijala, Komisija isti prosljeđuje Gradskom vijeću kako bi obavilo raspravu o predloženom materijalu i zauzelo konačan stav.

Vijećnik Adnan Habibija, predsjednik Komisije za finansije i budžet

Komisija je prihvatila predloženi Zaključak kojim su utvrđene cijene povjerenih komunalnih usluga zajedničke komunalne potrošnje za 2019.godinu, te obzirom da su za njegovo provođenje sredstva obezbijeđena u Budžetu Grada Bihaća za 2019.godinu, u okviru Programa obavljanja djelatnosti zajedničke komunalne potrošnje, Komisija isti prosljeđuje Gradskom vijeću, radi obavljanja rasprave i zauzimanja konačnog stava.

Kako po predloženom Zaključku nije bilo rasprava predsjedavajući isti daje na usvajanje.

Prijedlog Zaključka o davanju saglasnosti na cijene povjerenih komunalnih usluga zajedničke komunalne potrošnje za 2019.godinu, nije usvojen iz razloga što je 14 vijećnika bilo za, 8 suzdržanih, niko protiv.

Vijećnik Ahmed Fatkić ispred kluba ASD-a traži pojedinačno izjašnjavanje

Nakon pojedinačnog izjašnjavanja ***Prijedlog Zaključka o davanju saglasnosti na cijene povjerenih komunalnih usluga zajedničke komunalne potrošnje za 2019.godinu, nije usvojen iz razloga što je 15 vijećnika bilo za, 9 suzdržanih, niko protiv.***

Ad.9.

Prijedlog Rješenja o utvrđivanju liste promjenljivih članova Komisije za koncesije USK-a za projekat Javno-privatnog partnerstva na području Grada Bihaća

Izjavitelj – Sakib Alijagić šef Odsjeka za pravne poslove

Vijećnik Davor Župa – predsjednik Statutarne komisije

Pravni osnov za donošenje Prijedloga Rješenja o utvrđivanju liste promjenljivih članova Komisije za koncesije USK-a za projekat Javno-privatnog partnerstva na području Grada Bihaća sadržan je u članu 23. Zakona o javno-privatnom partnerstvu u Unsko-sanskom

kantonu („Službeni glasnik Unsko-sanskog kantona broj 19/12), kojim je propisano da Komisija za koncesije Unsko-sanskog kantona će obavljati poslove nezavisnog regulatornog tijela za projekte JPP, članu 25. istog Zakona kojim je propisano da sredstva za rad i obavljanje poslova iz djelokruga Komisije osiguravaju se u Budžetu Kantona i budžetima jedinica lokalne samouprave, te članu 35. tačka bb) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđeno da Gradsko vijeće, između ostalog, imenuje, bira i razrješava druge osobe određene zakonom, Statutom i odlukama, te daje saglasost na imenovanja, izbor i razrješenja u skladu sa zakonom.

Komisija traži od predlagača da u uvodu predloženog Rješenja iza riječi „Službeni glasnik Grada Bihaća“, broj 13/15“ doda riječi „13/18“.

Komisija prosljeđuje predloženo Rješenje Vijeću, na razmatranje i zauzimanje konačnog stava.

Vijećnik Adnan Habibija – predsjednik Komisije za finansije i budžet

Komisija je prihvatila predloženo Rješenje, te obzirom da su za njegovu realizaciju obezbjeđena sredstva u budžetu Grada Bihaća, isti se prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Zulfikar Handukić predsjednik Komisije za izbor i imenovanje

Nakon razmatranja predloženog Rješenja, Komisija je u skladu sa članom 61. tačka c) Poslovnika Gradskog vijeća Bihać („Službeni glasnik Grada Bihaća“, broj 3/16), pripremila prijedloge za imenovanje promjenljivih članova Komisije ispred Gradskog vijeća, i to: vijećnika Nedžada Mešića i vijećnika Adisa Šušnjara, te iste prosljeđuje Vijeću, radi obavljanja rasprave i zauzimanja konačnog stava.

Vijećnik Edin Felić

Predlaže da Klub SDP-a povuče kandidaturu za jednog promjenljivog člana Komisije kako bi SDA predložila svog člana u istu Komisiju.

Predlaže da se u Komisiju za koncesije USK-a za projekat Javno-privatnog partnerstva na području Grada Bihaća imenuje Irman Alijagić ispred Kluba SDA.

Vijećnik Hasan Keškić

Istakao je da je veoma bitno imenovati nekoga ko će se potruditi da Komisija za koncesije USK-a za projekat Javno-privatnog partnerstva na području Grada Bihaća radi kvalitetno kako bi riješila sve probleme naplate koji se dešavaju sa koncesionarima.

Vijećnik Arnel Kozlica

Takođe predlaže da Klub SDP-a povuče jednog kandidata, s obzirom da su predloženi članovi Komisije iz reda Kluba SDP-a i da druge stranke ne učestvuju u kandidaturi za ovu Komisiju, predlaže da se u Komisiju imenuje Irman Alijagić ispred Kluba SDA.

Vijećnik Malkoč Nijaz

Predlaže da za člana Komisije za koncesije USK-a za projekat Javno-privatnog partnerstva na području Grada Bihaća imenuje Hasan Keškić kao nezavisni vijećnik.

Zlata Ibrahimpašić – sekretar Gradskog vijeća, dala je pojašnjenje da se radi o listi promjenjivih članova Komisije za koncesije USK-a za projekte javno-privatnog partnerstva na području grada Bihaća, a ne o koncesijama koje imaju ulogu u naplati naknada za korištenje koncesionog dobra, kako su neki vijećnici naglasili. Ovdje se radi o 4 promjenjiva člana Komisije od kojih su 3 člana iz jedinice lokalne samouprave i 1 član iz javnog tijela Kantona.

Članovi iz jedinice lokalne samouprave se biraju tako da Gradsko vijeće predlaže dva, a Gradonačelnik jednog člana. Imajući u vidu navedeno, Ministarstvo pravde USK-a traži da im se dostave imena kandidata koji će predstavljati Grad Bihać u procesima realizacije projekata od interesa za našu lokalnu zajednicu.

Vijećnik Adnan Habibija

Između ostalog naglasio je da su prijedlozi za članove Komisije dogovoreni ranije i da stranke koje participiraju u Gradskom vijeću tada nisu imali svojih prijedloga, te da je zbog toga Klub SDP-a predložio 2 kandidata. Klub SDP ne želimo povući kandidaturi niti jednog kandidata.

Vijećnik Muhamed Čavkunović

Govorio je o važnosti privatno-javnog partnerstva za ovaj Grad, te je naglasio da treba izabrati najbolje predstavnike koji će istinski pomoći ovom Gradu.

Vijećnica Amra Čehajić ispred Klub SDA traži pauzu radi zauzimanja stavova Kluba.

Nakon pauze, predsjednica Kluba SDA Amra Čehajić, ističe prijedlog Kluba SDA da se u Komisiju za koncesije imenuju Irman Alijagić i Hasan Keškić.

Nakon provedenih rasprava predsjedavajući prijedlog Kluba SDA za imenovanje promjenljivih članova Komisije za koncesije USK-a za projekte javno-privatnog partnerstva daje na usvajanje.

Prijedlog Kluba SDA da se u Komisiju za koncesije imenuju Irman Alijagić i Hasan Keškić, nije usvojen jer je 10 vijećnika bilo za, 16 suzdržanih, niko protiv.

Predsjedavajući predloženo Rješenje daje na usvajanje.

Prijedlog Rješenja o utvrđivanju liste promjenljivih članova Komisije za koncesije USK-a za projekat Javno-privatnog partnerstva na području Grada Bihaća, nije usvojen jer je 15 vijećnika bilo za, 8 protiv, 3 suzdržana.

Vijećnik Adnan Habibija

Ispred Kluba SDP-a traži pojedinačno izjašnjavanje vijećnika.

Nakon pojedinačnog izjašnjavanja, ***Prijedlog Rješenja o utvrđivanju liste promjenljivih članova Komisije za koncesije USK-a za projekat Javno-privatnog partnerstva na području Grada Bihaća, nije usvojen jer je 15 vijećnika bilo za, 8 protiv, 3 suzdržana.***

Ad 10.

Prijedlog Rješenja o prestanku članstva predsjedniku predstavnika Osnivača sa ovlaštenjima Skupštine JP „Veterinarska stanica“ d.o.o. Bihać i imenovanju predsjednika predstavnika Osnivača sa ovlaštenjima Skupštine JP „Veterinarska stanica“ d.o.o. Bihać

Izjavitelj – Sakib Alijagić šef Odsjeka za pravne poslove

Vijećnik Davor Župa – predsjednik Statutarne komisije

Pravni osnov za donošenje Rješenja o prestanku članstva predsjedniku predstavnika Osnivača sa ovlaštenjima Skupštine JP „Veterinarska stanica“ d.o.o. Bihać i imenovanju predsjednika predstavnika Osnivača sa ovlaštenjima Skupštine JP „Veterinarska stanica“ d.o.o. Bihać sadržan je u članu 24. Statuta JP „Veterinarska stanica“, d.o.o. Bihać („Službeni glasnik Općine Bihać“, broj 15/11 i 4/14 i „Službeni glasnik Grada Bihaća“, broj 6/15 i 12/17), kojim je propisano da članstvo u Skupštini prije isteka mandata prestaje opozivom ovlaštenja od strane Osnivača i na lični zahtjev (podnošenjem ostavke), članu 23. stav (2) i (3) Statuta kojim je utvrđeno da ovlaštenja Skupštine Društva vrše predstavnici Osnivača koje imenuje Osnivač, a aktom o imenovanju članova Skupštine utvrđuje se broj, sastav i djelokrug, odnosno obim i ograničenje ovlaštenja u skladu sa Statutom i Odlukom o usklađivanju osnivačkog akta Društva sa zakonom, te članu 35. tačka bb) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđeno da Gradsko vijeće u okviru samoupravnog djelokruga imenuje, bira i razrješava druge osobe određene zakonom, Statutom i odlukama, te daje saglasnost na imenovanje, izbor i razrješavanja u skladu sa zakonom.

Komisija prosljeđuje predloženo Rješenje Gradskom vijeću, radi obavljanja rasprave i zauzimanja konačnog stava.

Vijećnik Adnan Habibija

Komisija je prihvatila predloženo Rješenje, te obzirom da su za njegovu realizaciju obezbjeđena sredstva u budžetu Grada Bihaća, isti se prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Zulfikar Handukić – predsjednik Komisije za izbor i imenovanje

Kako je u cjelosti provedena propisana procedura za donošenje predloženog Rješenja, Komisija je prihvatila isto i prosljeđuje ga Gradskom vijeću, na razmatranje i zauzimanje konačnog stava.

Kako po predloženom materijalu nije bilo rasprava predsjedavajući isti daje na usvajanje.

Prijedlog Rješenja o prestanku članstva predsjedniku predstavnika Osnivača sa ovlaštenjima Skupštine JP „Veterinarska stanica“ d.o.o. Bihać i imenovanju predsjednika predstavnika Osnivača sa ovlaštenjima Skupštine JP „Veterinarska stanica“ d.o.o. Bihać, usvojen je 19 glasova za, 7 suzdržanih

Ad.11.

- a) Prijedlog Rješenja o izboru zamjenika predsjedavajućeg Gradskog vijeća***
- b) Prijedlog Rješenja o imenovanju članova Statutarne komisije***
- c) Prijedlog Rješenja o razrješenju i imenovanju člana Komisije za ljudska prava i ravnopravnost spolova***
- d) Prijedlog Rješenja o razrješenju i imenovanju člana Komisije za žalbe***

Izvjestilac – Zulfikar Handukić predsjednik Komisije za izbor i imenovanje

Komisija za izbor i imenovanje predložila je sljedeće:

- Za zamjenike predsjedavajućeg Gradskog vijeća Bihać imenuju se vijećnik Senad Dizdarić, ispred Kluba vijećnika Stranke demokratske aktivnosti i vijećnik Dinko Bećirspahić, ispred Kluba nezavisnih vijećnika „POMAK“.
- Razrješavaju se dužnosti članice Statutarne komisije, vijećnica Ilda Alibegović i vanjska članica Hanka Hadžiabdić, imenovane rješenjem Gradskog vijeća Bihać broj GV-02-8474/16 od 14.12.2016.godine („Službeni glasnik Grada Bihaća“, broj 9/16).

- Za članove Statutarne komisije, imenuju se vijećnik, Almir Budimlić, ispred Kluba nezavisnih vijećnika „POMAK“ i vanjski član Elvira Čaušević, ispred Kluba vijećnika Stranke demokratske aktivnosti.
- Razrješava se dužnosti člana Komisije za ljudska prava i ravnopravnost spolova, vijećnik Dinko Bećirspahić, imenovan Rješenjem o imenovanju članova Komisije za ljudska prava i ravnopravnost spolova broj GV-02-8483/16 od 14.12.2016.godine („Službeni glasnik Grada Bihaća“, broj 9/16).
- Za člana Komisije za ljudska prava i ravnopravnost spolova imenuje se vijećnik, Muhamed Čavkunović.
- Razrješava se dužnosti člana Komisije za žalbe, vijećnik Muhamed Čavkunović, imenovan Rješenjem o imenovanju članova Komisije za žalbe broj GV-02-8480/16 od 14.12.2016.godine („Službeni glasnik Grada Bihaća“, broj 9/16 i 4/17).
- Za člana Komisije za žalbe imenuje se, vijećnik Dinko Bećirspahić.

Vijećnik Davor Župa – predsjednik Statutarne komisije

- a) Prijedlog Rješenja o izboru zamjenika predsjedavajućeg Gradskog vijeća***
- b) Prijedlog Rješenja o imenovanju članova Statutarne komisije***
- c) Prijedlog Rješenja o razrješenju i imenovanju člana Komisije za ljudska prava i ravnopravnost spolova***
- d) Prijedlog Rješenja o razrješenju i imenovanju člana Komisije za žalbe***

Pravni osnov za donošenje predloženih Rješenja sadržan je u članu 35. tačka aa) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da u okviru samoupravnog djelokruga, između ostalog, osniva radna tijela Gradskog vijeća, te bira i razrješava njihove članove, članu 46. stav (4) kojim je utvrđeno da Poslovníkom Gradskog vijeća i odlukom o osnivanju radnih tijela uređuje se njihov naziv, sastav, djelokrug i način rada u skladu sa stranačkim sastavom Gradskog vijeća, vodeći pri tome računa o broju mandata koji su osvojili politički subjekti u Gradskom vijeću, te o načelu ravnopravnosti spolova, te članu 47. stav (1) Poslovníka Gradskog vijeća Bihać („Službeni glasnik Grada Bihaća“, broj 3/16), kojim je utvrđeno da radi olakšanja i unapređenja efikasnosti rada Vijeća, Vijeće osniva stalna i povremena radna tijela.

Kako je članom 46. stav (4) Statuta Grada Bihaća obavezna primjena načela ravnopravne zastupljenosti spolova pri izboru odnosno imenovanju radnih tijela Gradskog

vijeća, Komisija traži od predlagača da pri imenovanju članova Statutarne komisije osigura primjenu navedenog načela.

Komisija prosljeđuje predložena Rješenja Gradskom vijeću, radi obavljanja rasprave i zauzimanja konačnog stava.

Vijećnik Adnan Habibija – predsjednik Komisije za finansije i budžet

Komisija je prihvatila predložena Rješenja, te obzirom da su za njihovu realizaciju obezbjeđena sredstva u budžetu Grada Bihaća, ista prosljeđuje Gradskom vijeću, radi obavljanja rasprave i zauzimanja konačnog stava.

Vijećnica Amra Ćehajić ispred Kluba SDA

Ističe da Klub SDA neće podržati predloženi materijal iz razloga što u predloženim komisijama nije ispoštovano načelo ravnopravnosti spolova što je ustavna, zakonska i Statutarna obaveza.

Predsjedavajući predloženi materijal daje na usvajanje

- a) Prijedlog Rješenja o izboru zamjenika predsjedavajućeg Gradskog vijeća, usvojen je sa 18 za, 8 suzdržanih***
- b) Prijedlog Rješenja o imenovanju članova Statutarne komisije usvojen je sa 18 za, 8 suzdržanih***
- c) Prijedlog Rješenja o razrješenju i imenovanju člana Komisije za ljudska prava i ravnopravnost spolova, usvojen je sa 19 za, 7 suzdržanih***
- d) Prijedlog Rješenja o razrješenju i imenovanju člana Komisije za žalbe usvojen je sa 19 za, 7 suzdržanih***

Ad.12.

a) Prijedlog Rješenja o prestanku mandata predsjedniku Mjesne zajednice Veliki Lug, o imenovanju predsjednika Mjesne zajednice Veliki Lug i o imenovanju člana savjeta Mjesne zajednice Veliki Lug

b) Prijedlog Rješenja o prestanku mandata predsjedniku Mjesne zajednice Vrsta, o imenovanju predsjednika Mjesne zajednice Vrsta, o prestanku mandata članovima savjeta Mjesne zajednice Vrsta i o imenovanju članova savjeta Mjesne zajednice Vrsta

c) Prijedlog Rješenja o prestanku mandata članu savjeta Mjesne zajednice Centar i o imenovanju člana Savjeta Mjesne zajednice Centar

Izvjestilac – Dario Jurić – šef Odsjeka za društvene djelatnosti

Vijećnik Davor Župa – predsjednik Statutarne komisije

Pravni osnov za donošenje predloženih Rješenja sadržan je u članu 35. tačka bb) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđena nadležnost Gradskog vijeća da imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješavanja u skladu sa zakonom, a u vezi sa članom 97. tačka f) Statuta grada Bihaća kojim je utvrđeno da članu Savjeta mjesne zajednice prestaje mandat ostavkom i smjenjivanjem i u članu 98. stav (3) kojim je propisan postupak smjene člana Savjeta i imenovanja novog člana ako Gradsko vijeće ocijeni razloge opravdanim, donijet će odluku o smjeni i imenovanju novog člana savjeta mjesne zajednice i predsjednika mjesne zajednice.

Komisija prosljeđuje predložena Rješenja Gradskom vijeću, radi obavljanja rasprave i zauzimanja konačnog stava.

Vijećnik Adnan Habibija

Nakon razmatranja predloženih Rješenja, a imajući u vidu da su mjesne zajednice prostori za učešće građana u rješavanju problema u zajednici, te da iste imaju potencijal da potaknu učešće građana u rješavanju lokalnih pitanja odnosno lokalnih procesa odlučivanja, planiranja i implementiranja lokalnih infrastrukturnih projekata, Komisija je prihvatila predloženi materijal, kako bi mjesne zajednice mogle funkcionirati s ciljem nesmetanog obavljanja svojih prava i dužnosti, te prijedloge prosljeđuje Gradskom vijeću, radi obavljanja rasprave i zauzimanja konačnog stava.

Vijećnik Zulfikar Handukić – predsjednik Komisije za izbor i imenovanje

Kako je pri donošenju rješenja o prestanku mandata i imenovanju predsjednika odnosno članova savjeta Mjesnih zajednica, u cijelosti ispoštovana procedura utvrđena Statutom Grada Bihaća („Službeni glasnik Grada Bihaća“, broj 13/15 i 13/18), Komisija je prihvatila predložena Rješenja i prosljeđuje ih Gradskom vijeću, kako bi po istim obavili raspravu i zauzeli konačan stav.

Vijećnik Meho Kličić – predsjednik Komisije za lokalnu samoupravu

Nakon razmatranja predloženih Rješenja, a imajući u vidu da su mjesne zajednice prostori za učešće građana u rješavanju problema u zajednici, te da iste imaju potencijal da potaknu učešće građana u rješavanju lokalnih pitanja odnosno lokalnih procesa odlučivanja, planiranja i implementiranja lokalnih infrastrukturnih projekata, Komisija je prihvatila predloženi materijal, kako bi mjesne zajednice mogle nesmetano funkcionirati u daljnjem periodu i prosljeđuje ih Gradskom vijeću, radi obavljanja rasprave i zauzimanja konačnog stava

Vijećnik Malkoč Nijaz

Predlaže da Gradsko vijeće prihvati Rješenja o izboru predsjednika Mjesnih zajednica Ozimice I i Mjesne zajednice Jezero – Privilica, te da nema potrebe da se ponovno provode izbori u ovim mjesnim zajednicama.

Predsjedavajući predloženi materijal daje na usvajanje.

a) Prijedlog Rješenja o prestanku mandata predsjedniku Mjesne zajednice Veliki Lug, o imenovanju predsjednika Mjesne zajednice Veliki Lug i o imenovanju člana savjeta Mjesne zajednice Veliki Lug, usvojen je jednoglasno (25 za)

b) Prijedlog Rješenja o prestanku mandata predsjedniku Mjesne zajednice Vrsta, o imenovanju predsjednika Mjesne zajednice Vrsta, o prestanku mandata članovima savjeta Mjesne zajednice Vrsta i o imenovanju članova savjeta Mjesne zajednice Vrsta, usvojen je jednoglasno (25 za)

c) Prijedlog Rješenja o prestanku mandata članu savjeta Mjesne zajednice Centar i o imenovanju člana Savjeta Mjesne zajednice Centar, usvojen je jednoglasno (25 za)

Ad.13.

Prijedlog Zaključka o davanju saglasnosti JP „Elektroprivreda BiH“ d.d. Sarajevo, Podružnica „Elektrodistribucija“ Bihać za izgradnju transformatorske stanice TS 10(20)/0,4kV „Borići“, na nekretnini u vlasništvu Grada Bihaća i davanju saglasnosti Gradonačelniku Grada Bihaća za potpisivanje notarski obrađene izjave

Izjavitelj Sinha Kurbegović – sekretar Gradskog organa uprave

Vijećnik Davor Župa – predsjednik Statutarne komisije

Pravni osnov za donošenje predloženog Zaključka sadržan je u članu 109. stav (2) Zakona o prostornom uređenju USK-a („Službeni glasnik USK-a“, broj 12/13, i 3/16), kojim je propisano da je investitor dužan prije izdavanja akata o građenju, a na ime dokaza o pravu građenja pribaviti pisanu saglasnost vlasnika nekretnine, koja je notarski obrađena, te u odredbi člana 35. tačka j) Statuta Grada Bihaća („Službeni glasnik Grada Bihaća“, broj 13/15 i 13/18), kojim je, između ostalog, utvrđena nadležnost Gradskog vijeća da donosi odluke o upravljanju imovinom Grada.

Komisija traži od predlagača da naziv Zaključka izmijeni tako da glasi:

„Zaključak o davanju saglasnosti JP „Elektroprivreda BiH“ d.d. Sarajevo, Podružnica „Elektrodistribucija“ Bihać za izgradnju transformatorske stanice TS 10(20)/0,4kV „Borići“, na nekretnini u vlasništvu Grada Bihaća i davanju saglasnosti Gradonačelniku Grada Bihaća za potpisivanje notarski obrađene izjave“.

Komisija prosljeđuje predloženi Zaključak Gradskom vijeću, kako bi o istom obavilo raspravu i zauzelo konačan stav.

Vijećnik Adnan Habibija – predsjednik Komisije za finansije i budžet

Obzirom da bi se sa izgradnjom navedene transformatorske stanice znatno poboljšala isporuka električne energije za potrebe građana i ostalih subjekata u tom dijelu grada, a za realizaciju predloženog Zaključka obezbijedena su finansijska sredstva od strane JP Elektroprivreda BiH d.d. Sarajevo, Podružnica „Elektrodistribucija“ Bihać, Komisija isti prihvata, te ga prosljeđuje Gradskom vijeću na razmatranje i zauzimanje konačnog stava.

Kako po predloženom materijalu nije bilo rasprava predsjedavajući isti daje na usvajanje.

Prijedlog Zaključka o davanju saglasnosti JP „Elektroprivreda BiH“ d.d. Sarajevo, Podružnica „Elektrodistribucija“ Bihać za izgradnju transformatorske stanice TS 10(20)/0,4kV „Borići“, na nekretnini u vlasništvu Grada Bihaća i davanju saglasnosti Gradonačelniku Grada Bihaća za potpisivanje notarski obrađene izjave, usvojen je sa 17 glasova za, 2 protiv, 7 suzdržanih.

Sjednica Gradskog vijeća završena u 20:45 minuta.

Sekretar Gradskog vijeća
Zlata Ibrahimpašić, dipl.pravnik

Predsjedavajući Gradskog vijeća
Davor Župa